

MAHATHIR-NELAYAN R'R'R'

OLEH ABDUL RAHMAN SULAIMAN

SUNGAI PETANI, 27 MAC (BERNAMA) -- DATUK SERI DR. MAHATHIR MOHAMAD HARI INI MEMBERI JAMINAN BAHAWA KERAJAAN AKAN SENTIASA MEMBERI PERHATIAN ISTIMEWA KEPADA GOLONGAN MISKIN SEPerti NELAYAN DAN PETANI.

KATANYA SETAKAT INI BERBAGAI-BAGAI JENIS BANTUAN DAN PROJEK TELAH PUN DILAKSANAKAN BAGI GOLONGAN TERSEBUT DALAM USAHA KERAJAAN MENINGKATKAN PENDAPATAN MEREKA SELARAS DENGAN HASRAT DASAR EKONOMI BARU.

BERUCAP DI ACARA MELETAKKAN BATU ASAS PROJEK PENEMPATAN SEMULA NELAYAN DI TANJUNG DAWAI, KIRA-KIRA 30 KM DARI SINI, PERDANA MENTERI MENEGASKAN SEGALA BANTUAN DAN PROJEK KERAJAAN AKAN TINGGAL SIA-SIA JIKA PARA NELAYAN SENDIRI TIDAK BERSEEDIA UNTUK BEKERJA KERAS.

KATANYA BANYAK CARA BAGI PARA NELAYAN MEMPERBAIKI NASIB MEREKA TERMASUK MENGAMALKAN CARA-CARA BARU MENANGKAP DAN MENTERNAK IKAN.

DATUK SERI DR. MAHATHIR JUGA MEMBERI JAMINAN RANCANGAN SUBSIDI NELAYAN SEPerti SUBSIDI MOTOR SANGKUT SERTA BIASISWA-BIASISWA UNTUK ANAK-ANAK PARA NELAYAN AKAN DITERUSKAN. -- BERSAMBUNG 1800/LK

MAHATHIR-NELAYAN 2 SUNGAI PETANI

PERDANA MENTERI MENEGASKAN NEGARA MEMPUNYAI RAMAI PARA CERDEK PANDAI DALAM BIDANG PERTANIAN DAN PERIKANAN YANG BOLEH MEMBIMBING PARA NELAYAN DALAM USAHA MEREKA UNTUK MEMPERBAIKI NASIB MASING-MASING.

'BAGAIMANAPUN SEGALA ILMU PENGETAHUAN INI TIDAK AKAN BERGUNA KALAU KITA TIDAK SANGGUP BERUSAHA UNTUK MENGAMALKANNYA,' TAMBAH-NYA.

DATUK SERI DR. MAHATHIR BERKATA KERAJAAN PIMPINANNYA BERAZAM UNTUK TERUS MEMBERI PERKHIDMATAN KEPADA RAKYAT DEMI MENINGKATKAN LAGI TAHAP KEMAJUAN NEGARA.

KATANYA SEJAK MENCAPAI KEMERDEKAAN NEGARA TELAH BANYAK MENCAPAI KEMAJUAN DALAM BERBAGAI-BAGAI BIDANG YANG TIDAK PERNAH DIMIMPIKAN DALAM MASA PENJAJAHAN DULU.

SEBELUM ITU BERUCAP DALAM SATU PERJUMPAAN RAMAI DI PANTAI MERDEKA TIDAK JAUH DARI SINI PERDANA MENTERI MENJELASKAN DASAR KERAJAAN UNTUK MEMANDANG KE TIMUR DALAM USAHANYA MELATIH PARA PEKERJA BERTUJUAN UNTUK MENCAPAI ETIKA KERJA YANG BARU BAGI SELURUH RAKYAT. -- BERSAMBUNG 1803/LK

MAHATHIR-NELAYAN 3 SUNGAI PETANI

TUMPUAN KEPADA BARAT SELAMA INI, KATANYA, BUKAN SAJA TIDAK MENGUNTUNGAN NEGARA TETAPI JUGA TIDAK SESUAI DENGAN KEHENDAK MALAYSIA KERANA CARA HIDUP DI BARAT ITU SENDIRI TIDAK LAGI SESUAI DENGAN ZAMAN PEMBANGUNAN YANG DIALAMI OLEH NEGARA SEKARANG.

DASAR ITU JUGA DIMAKSUDKAN UNTUK MEMPERBAIKI IMBANGAN DALAM JUMLAH PELAJAR-PELAJAR MALAYSIA DI SEBERANG LAUT YANG KINI BERJUMLAH 50,000 ORANG DI BARAT SAJA.

DATUK SERI DR. MAHATHIR DAN ISTERINYA DATIN SERI DR. SITI HASMAH MENGHABISKAN SEHARI SUNTUK MELAWAT PROJEK AKUAKULTUR MAJUIKAN DI KUALA MUDA. -- BERNAMA 1805/LK